



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Catechismvs, Dat is, De Christelijcke leeringhe/ in  
maniere van t'samen-sprekinghe tusschen den Meester  
ende den Discipel**

**Coster, Franciscus**

**T'Antvverpen, 1607**

Wat Liefde is ende vande gheboden der Liefden.

**urn:nbn:de:hbz:466:1-39385**

sy van Christi ghevanghenisse hoorde in't hofken.  
2. van sijn gheestelinghe. 3. van sijn crooninghe  
met scherpe doornen. 4. als sy hem sagh het swaer  
Crups draghen. 5. als sy hem aen't crups sagh  
hanghen/ende steruen.

M. VVelck zijn de leste vijue?

D. Van haer glorieuse blijdschap upt de glorie  
haers ones/eñ van haer seluen. 1. In de verrijfse-  
nisse Christi. 2. in sijn hemel-vaert. 3. in de neder-  
comste des H. Gheests. 4. in haer versheyden  
van dit leuen naeden hemel. 5. in haer hemelsche  
crooninghe/ als sy deur haven loon ontfingh van-  
de H. Drijbuldighejdt Coninghinne te zyn van  
hemel ende aerde / wesende verheuen bouen alle  
creatueren.

## Uande derde sake den Christenen van noode / te weten / De Liefde.

M. VVat is de Liefde?

D. Een gaue Gods/ deur de welcke wy God be-  
minnen bouen al om sijn seluen / ende onsen nae-  
sten om Gode.

M. Hoe vele zijn de gheboden der Liefden?

D. Twee / te weten : Ghy sult den Heere uwen  
Godt beminnen upt gansch uwer herten / upt  
gansch uwer sielen/ upt gansch v verstandt / ende  
upt alle uwe crachten. Dit is het eerste ende mee-  
ste ghebodt. Het tweede is dit ghelijck : Ghy sult  
uwen naesten beminnen als v seluen.

M. Waer om is het ghebodt der liefden Godts  
het eerste ende d' meeste?

D. Om vijf redenen: d' eerste is / om dat het is  
d' eynde van alle andere gheboden / de welke ons  
ghegheuen zijn / om ons inde liefde Godts te vol-  
maecken. De 2. is / om dat het in hem begrijpt  
alle andere gheboden: want wie Godt bemindt /  
die onder-houdt sijn gheboden. 3. Om dat de  
liefde is den oorsprongh aller deughden / want  
niet en is deughdelyck / oft Gode aen-ghenaem /  
het en moet deur liefde gheschieden. 4. Om dat  
de liefde hier-nae-maels alder-meest gheloont  
wordt / want die outfanght meerder glorie die  
meer bemindt heeft. 5. Om dat dit ghebodt  
eewelijck duert / oock naer dit leuen daer t' alder-  
volcomelijckste sal vol-brocht worden.

M. Hoe moet-men Godt beminnen uyt gant-  
scher herten, siele, verstande, ende crach-  
ten?

D. Wy moeten Godt lief hebben ernstelijck niet  
ghebeydelijck / ende gheheelijck / datter niet in  
ons en zij / oft ons aen-gae / dat Gode mis-haghe.

M. Hoe moeten wy hem beminnen bouen al?

D. Dat wy gheen dingh soo lief en hebben als  
Godt / maer bereedt sijn lieuer alle dingh te ver-  
lielen / iae oock de doodt te steruen / dan Gode  
deruen / dat is / dan hem met een doodt-sonde te  
vertoornen.

M. Om wat redene moeten wy onsen Heere al-  
soo beminnen?

D. Om sy seluen / dat is om sijne goedtheydt /  
wijsheydt / ende dier-ghelijcke vol-maektheden /  
ende